

## Headlines

- 1 जम्मू कश्मीर गजनबी फोर्स कन्नै जुड़े दे इक सहायक गी पुंछ जिले थमां असला बरूद कन्नै गिरफ्तार कीता गेआ।
- 2 जम्मू कश्मीर दे मुख् चुनां अधिकारी पी.के.पोले होरें हाल च मतदाता बने दे लोकें तगर पुज्ज बनाने आस्तै केई सारे जतनें दी शरूआत कीती ऐ।
- 3 जम्मू कश्मीर च होने आले विधानसभा चुनाएं दे त्रीए गेड़ लेई भर गेदे नामांकन पत्रं दो जांच अज्ज होआरदी ऐ।
- 4 भारत नै दऊं दिनें च सतह थमां हवा च मार करने आली मिसाइलें दा सफल परीक्षण कीता।



## **Poonch Arms**

सुरक्षाबलें पुंछ जिले थमां जम्मू कश्मीर गजनगी फोर्स कन्नै जुड़े दे इक सहायक गी गिरफ्तार कीता ऐ ते ओह्दे कब्जे थमां असला बरूद बरामद कीता गेआ ऐ। पुलस, सेना ते सीआरपीएफ दी सांझी पार्टी नै वीरवारें संजा पोथा बायपास कश जांच दरान इसगी गिरफ्तार कीता। तपाशी दरान इक नीले रंग दे बैग थमां हत्थ गोले, विस्फोटक आला लेखा समेयान ते होर दुआ आपत्तिजनक समेयान बरामद होआ। शरूआती जांच दरान पता लग्गा जे आतंकवादिएं दा उह् सहायक बन्ने पार बैठे दे लोकें दे संपर्क च हा, जिन्ने इसी सुरनकोट कस्बे थमां समेयान लैने दियां हिदायतां दित्तियां हियां। पुलस नै समेयान गी अपने कब्जे च लेई लैता ऐ। पुलस नै मामले दी जांच शय करी दित्ती ऐ, मेद ऐ जे होर लोकें दी गिरफ्तारी बी होई सकदी ऐ।



## **CEO Udhampur**

जम्मू कश्मीर दे मुख् चुनां अधिकारी पी.के.पोले होरें उधमपुर च हाल च मतदाता बने दे लोकें तगर पुज्ज बनाने आस्तै केई सारे जतनें दी शरूआत कीती ऐ ते केई सारियां गतिविधियां चलाइयां जा'रदियां न। एह्दा मकसद औंदे विधानसभा चुनाएं च मतदाताएं दी शमूलियत गी बधाना ऐ। इत्थें त्रीए गेड़ तैह्त पैहली अक्टूबर गी वोट

पाए जाने न। उधमपुर दियां जिला चुनां अधिकारी सलोनी राय ते होर दुए जिला अफसर इस मौके उत्थें मजूद हे। मुख चुनां अधिकारी होरें महिला कालेज च बनाए गेदे स्ट्रांग रूम, मतगणना केन्द्र, जागतें दे सरकारी डिग्री कालेज च बनाए गेदे स्ट्रांग रूम ते मतगणना केन्द्र दा दौरा लाया। एहूदे थमां पैहूले पी.के.पोले होरें जिला सतह दे अफसरें ते मतदान अमले कन्नै बैठक लाई। आकाशवाणी कन्नै गल्ल करदे होई मुख चुनां अधिकारी होरें आखेआ.....

<><><><><><>

## Scrutiny Nominations

जम्मू कश्मीर च होने आले विधानसभा चुनाएं दे त्रीए गेड़ लेई भरे गेदे नामांकन पत्रें दी जांच अज्ज होआ'रदी ऐ। नामांकन भरने दा कल खीरला दिन हा। त्रीए ते खीरले गेड़ लेई 4 सौ 83 मेदवारें नामांकन भरेआ। मेदवार जेकर चाहन तां 17 सितम्बर तगर अपना नामांकन वापस लेई सकदे न। पैहूली अक्तूबर गी त्रीए गेड़ तैहूत 40 विधानसभा हल्के च मतदान होग। पैहूले गेड़ तैहूत 18 सितम्बर गी ते दुए गेड़ तैहूत 25 सितम्बर गी वोट पाने जाने न। वोटें दी गिनतरी आला कम्म 8 अक्तूबर गी होग।

<><><><><><>

## PM Modi-Doda

जम्मू कश्मीर च होआ'रदे विधानसभा चुनाएं लेई चुनां प्रचार तेज होआ'रदा ऐ। पैहूले गेड़ तैहूत होने आले प्रचार लेई किश गै दिन बाकी रेई गेदे न। जम्मू खित्ते च चिनाव घाटी बड्डे बड्डे नेताएं ते स्टार प्रचारकें दे आगमन लेई तैआर होआ'रदी ऐ। कल डोडा दे खेड्ड स्टेडियम च प्रधानमंत्री नरेन्द्र मोदी होर चुनां रैली गी संबोधत करगंन। इस दरान प्रधानमंत्री होर डोडा जिले दे सारे पिधानसभा हल्के लेइ प्रचार करगंन ते बीजेपी दे मेदवार दे पक्ख च वोट पाने लेई लोकें गी अपील करगंन। कांग्रेस पार्टी बी राहुल गांधी हुंदी मजूदगी कन्नै सीटें पर कब्जा करने दी कोशश च ऐ। नैशनल कांफ्रेंस दे स्टार प्रचार उमर अब्दुल्ला होरें कल जिले च त्रै रैलिएं गी संबोधत कीता हा। किशतवाड़, डोडा ते रामबन जिले दी 8 विधानसभा सीटें पर पैहूले गेड़ तैहूत 18 सितम्बर गी वोट पाए जाने न।

<><><><><><>

## SVEEP Rajouri(byte)

राजौरी दे जिला चुनां अफसर अभिषेक शर्मा ते नोडल अधिकारी राकेश शर्मा हुंदे मार्गदर्शन हेठ दलहोड़ी दे सरकारी हायर सकेँडरी स्कूल च स्वीप तैहूत कार्यक्रम दा सरिस्ता कीता गेआ। इक रैली हायर सकेँडरी स्कूल थमां शरू होई ते बजार थमां लंघी। इस दरान विद्यार्थिएं मतदान दी महत्ता बारे नारे लाए ते लोकें गी एहूदे प्रति जागरूक कीता। नोडल अफसर होरें स्वीप गतिविधिएं ते लोकें दी शमूलियत गी बधाने बारे महत्ता गी उजागर कीता। इस दरान विद्यार्थिएं गी मतदान बारे जागरूक कीता गेआ ते उनेंगी लोकतांत्रिक प्रक्रिया च उंदी भूमका





लोडचदी। की जे ध्यारें दरान मठेयाई लेई दुध ते दुध कन्नै बनने आली चीजें जियां घ्यो, खोआ, पनीर दी मंग बधी जंदी ऐ। एफएसएसएआई नै सुझाह दित्ता ऐ जे जित्थ खाद्य उत्पादें दी गुणवत्ता ते सुरक्षा जांच लेई फूड सेफ्टी आन व्हीलस वैन उपलब्ध ऐ। उनें प्रमुख बजारें ते दुए सार्वजनिक थाहरें उप्पर तैनात कीता जाना लोडचदा ऐ।

<><><><><><>

## e-Buses

भारी उद्योगें ते स्टोल सरबंधी केन्द्रीय मंत्री एच.पी.कुमारस्वामी होरें आखेआ ऐ जे हाल च गै मंजूर प्रधानमंत्री ई-बस सेना ते अदायगी सुरक्षा सरबंधी सरिस्तें आली योजना तैह्त माली ब8रे 2024-25 थमां माली ब'रे 2028-29 तगर 38 ज्हार थमां मतियां इलैक्ट्रिक बसां चलाइयां जांगन। कुमारस्वामी होरें संवाददाताएं गी एह जानकारी दित्ती जे प्रधानमंत्री नरेन्द्र मोदी हुंदी अध्यक्षता च केन्द्रीय मंत्रिमंडल नै सार्वजनिक परिवहन प्राधीकरण आस्सेआ ई-बसें दी खरीद ते संचालन गी मंजूरी दितती ही।

<><><><><><>

